

Friday, June 27, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

MUHCS

Health Minister Pi Lalrinpuii'n damdawiina mahni sum seng lova in enkawl theihna sawrkar ruahman Mipui Healthcare ah inzhiah luh hun chhung June thla ral hmaa inzhiah lut theuh turin mipuite a sawm.

Health Minister chuan a thuchah ah Mizoram Universal HealthCare Scheme hnuaia inzhiah luh an hawn hun June thla a tawp hnaih avangin mipuite inzhiah lut turin a sawm a, AB-PMJAY chhungkaw nuai 2 chuang, sawrkar hnathawk chhungkaw sing 5 chuang leh pensioner chhungkaw sang 3 bakah mipui nawlpui chhungkaw sang 5 chuangin Healthcare an zawm tawh a ti a, tupawh damloh mangan tawh thei vek anni tih sawiin sawrkar ruahman Mipui Healthcare-a inzhiah luh chu a pawimawh takzet tih sawiin mipuiten mahni awmna hnai Sub-Centre emaw online hmangin inzhiah luh tur ani tih a sawi.

Byte: Pi Lalrinpuii

MUHCS hotute sawi danin vawiin thlang khan Mizoram chhunga Private damdawiin 13 ten Mizoram Universal Health Care Scheme an zawm tawh a, hei hi za zela 40.62 niin a bak private damdawiin dang nen hian inbiakna kalpui mek a, June ni 25 khan Sawrkar hotute leh Non Govt Hospital Association of Mizoram chu Mizoram Health Care Scheme chungchangah an inbia a, he inbiakna ah hian NGHAM hnuaia private hospital ten MUHCS chungchangah sawrkara rawtna an neihte leh an duhte ziakin thlen se tih a ni a, inbiakna kawnga a awm theih nan inbiak chhonzawm zel ni se tih a ni bawh.



EMMY's AWARDS

Khawvela Journalism chawimawina ropui nizana semchhuah Emmy Awards dawngtu team zingah All India Radio Aizawl News Editor pahnih an tel.

BBC team-a Mizo hming lang pahnih hi Mizo journalist, AIR Editor pahnih HC Vanlalruata leh Isaac Zoramsanga te an ni a, Emmy Awards Palladium Times Square, New York City atanga sem chhuah Emmy Awards-ah hian, 'Myanmar's Civil War' tih thupui hmanga BBC in an buatsaih short-form documentary hian National Academy of Television Arts & Sciences (NATAS)-in News & Documentary Emmy Awards, vawi 46-na a buatsaihah Outstanding Continuing News Coverage – Short Form category-ah award an dawng a ni.

AIR Editor Pu HC Vanlalruata chuan Lawmman an dawng chu an beisei phak bak anih thu sawiin an lawm takzet tih a sawi.

Byte: HC Vanlalruata

AIR Editor Isaac Zoramsanga pawhin Lawmman an dawn chu an rinloh lam daih anih thu sawiin anmahni lawmpui tute chungah a lawmthu a sawi a ni.

Byte: Isaac Zoramsanga

Mizo journalist pahnihte hi BBC tana project-ah hian field producer hna an thawk a, Myanmar chhim lam Chin State-a ni 10 chhung reporting mission an neih chhungin, ground-level support pawimawh tak tak an thawk a. An hnathawh hian BBC team-in hmun ril leh thuk zawk, hnam sipai leh Myanmar sipai junta-te inkahna hmunte, hnam sipai inbunna hmunte an luhchilh theih phah a ni.

Minute 6.5-a rei documentary hian tualchhung hnam sipai pawlte'n hmun eng emaw zat atanga sipaite an hnawhchhuah dan a entir a. Chutih rualin, junta-in hnam sipai pawl tihtawp leh thalaite ralthuam hmanga an tihduhdahna, rukbo leh thah chungchanga report lungchhiatthlak tak takte pawh a pholang bawk.

Chief Minister Pu Lalduhoma chuan social media kaltlangin lawmpuina an hlan bawk.



ADVISER TO CM

Adviser to CM Pu TBC Lalvenchhunga'n loneitute leh kuthnathawktute tharchhuah a pun theih nan sawrkarin theihtawp a chhuah tih a sawi.

Vawiina National Statistics Day vawi 19-na, Economics & Statistics Conference Hall-a a hmanpuinaah he thu hi a sawi a, Adviser to CM chuan state pawna bungraw thawh chhuah leh chawh luh kawngah kuthnathawktuten hlawkna an hmuh tam theih nan felfai taka chhinchhiah bakah mumal zawka thawhchhuah chu a pawimawh thu a sawi a, Economics & Statistics department hmalakna hnuaia data collection leh sample survey hmangin thu dik behchhan tur a awm avangin tan huai a awl a, tihsual pawhin siamthat dan tur a ti awlsam a ti a, hemi kawngah hian department te pawh thuam chak an ngai tih a sawi bawk.

Pu TBC Lalvenchhunga chuan thil man danglam dan te chu hmun khatah luangkawm thei se chuan tun aiin data rintlak leh tehfung mumal zawk an neih theih a rin thu a sawi a, loneitute leh kuthnathawktute tharchhuah chungchangah te, state pawna bungraw thawh chhuah leh chawh luh kawngah te market thleng phak nei thei turin hmalak tha a tih thu a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.



INTL MSME DAY

Reserve Bank of India (RBI) Aizawl, General Manager, Pu T Lhungdim chuan hmeichhe sumdawng tenau te chuan ram sum leh pai dinhmun an tichak a, ram pum huapah khawtlang nun an siamtha mek a ni a ti.

Vawiina Reserve Bank of India-in Aijal Club-ah International MSME Day 2025 puala hun an hmannaah RBI Aizawl, General Manager, Pu T Lhungdim chuan he thu hi sawiin, International MSME Day chu ram sum leh pai dinhmun chawikan kawnga hriat hlawh tawh lo, sumdaWng tenaute chawimawina ni a ti a. hmeichhe sumdawngte than chhoh dan leh an chhelna te chu sawi chhuah tul a tih thu a sawi a, khawvel hmun hrang hrangah hmeichhiate chuan tun hmaa aia chakin sumdawnna an kalpui mek a ni a ti a. Thingtlang loneihna atanga khawpui chhunga tunlai thiamna kawnga hmasawnna thlengin hmeichhe kaihhruai MSME chuan ram sum leh pai dinhmun an tichak a, ram pum huapah khawtlang nun an siamtha mek tih a sawi.

Pu T. Lhumding chuan hmeichhe sumdawng harsatna tawh an awm thin chu pawl atih thu sawiin heng tana ke pen chhuak turin hmeichhe hlawhtling tawh te a sawm a ni.

